



CHARISSIMO  
 IN CHRISTO FILIO NOSTRO  
 PHILIPPO HISPANIARVM REGI  
 CATHOLICO.  
 ALEXANDER  
 PAPA VII.

**C**HARISSIME in Christo Fili noster, salutē, & Apostolicā benedic-  
 tionē: Orthodoxæ fidei conseruādē, & propagādæ zelus, ac singu-  
 laris in Nos, & Apostolicā Sedē deuotio, aliaquē Catholici nomine, optimō  
 iure insigni Regis, præclara merita, quæ in Maiestate tua cœlesti gratia ref-  
 plendent, planē exigūt, vt subsidia pro eiusdem fidei, & dominiorum tuo-  
 rum; præsertim aduersus hæreticorum conatus defensione à tuis subditis  
 promptē tibi oblata, quantum cum Domino possumus, ac prout postulare  
 uidetur temporum conditio, adiuuemus. Cum itaque sicut Maiestatis tue  
 nomine nobis nuper expositum fuit, laici subditi tuorum Regnorum Cas-  
 tellæ, & Legionis in eorum Comitibus, seu Curijs infra scriptum subsidium  
 Maiestati tuæ præstare promptē obtulerint; & ad prædictum effectum cō-  
 fensorint impositioni gabellarum, seu sisarum super uino; aceto, oleo; &  
 carne, uidelicet octauæ partis specierum, vel prætij, vini, aceti, & olei, ac ul-  
 tra sisas super carne antea impositas, & trium Regalium pro quolibet capi-  
 to pecudum, & trium marapetinorum, pro qualibet libra carnis, quæ mi-  
 nucatiū venditur, sexdecimque marapetinorū pro qualibet mēsurā, arro-  
 bā nūcupata, vini sisati, alteriusq; marapetini, pro qualibet mēsurā, ac um-  
 bre nūcupata, vini, etiam sisati, ac sexdecim marapetinorum pro qualibet  
 mēsurā olei arroba nūcupata, & quatuor marapetinorum, pro qualibet  
 libra candelarum de seto, & saponis, vel alijs uerioribus quantitatibus im-  
 positarum, & auctarum, quæ sunt exigendæ, & percipiēde, durante sexen-  
 nio, incepto à prima die. mensis Augusti, anni millesimi sexcētesimi quin-

quingefimi sexti, nempe pro summa decem & nouem millionum, cum dimidio alterius millionis ad rationem trium millionum, & ducentorum & quinquaginta millium ducatorum monetae Hispaniae, quolibet anno praedicti sexennij solvenda, ex praedictis gabellis, seu sisis, super praedictarum rerum species, vt premittitur, impositis, & auctis, ita vt omnes tam laici, quam Ecclesiastici praedictorum Regnorum, non solum euentes, & vendentes, sed etiam illi, qui praedictas rerum species percipiunt, ex proprijs terrenis, vel afflictibus, aut respectiue emunt in viuis, vel oliuis, seu colligunt pro decimis, aut etiam dono accipiunt, seu alias ex quouis alio reddito, & introitu habent, & consumunt; ita vt omnes laici cuiuscumque status, gradus, & conditionis, ac praeminentiae ad id Subsidium contribuere, ac gabellas, seu sisas huiusmodi solvere deberent, nec vllus laicus immunis, aut exemptus esset, Ecclesiastici quoque eorundem Regnorum, si, & postquam nostra, & huius Sanctae Sedis licentia, & approbatio accesserit in Subsidio huiusmodi, scilicet in praedictis gabellis super eisdem speciebus impositis, & auctis, contribuere, ac gabellas, seu sisas praedictas, iuxta litterarum nostrarum in forma Breuis super praedicta licentia, seu approbatione expediendarum formam, continentiam, & tenorem persolvere deberent. Idecirco pro parte eiusdem Maiestatis tuae nobis fuit humiliter supplicatum, pro approbatione oneris Cleri, Ecclesiarum, locorumque piorum, & personarum Ecclesiasticarum ad contribuendum in praedicto sexennio, incepto a praedicto mense Augusti, anni millesimi sexcentissimi quinquagesimi sexti, & vt sequitur, vsque ad mensem Augusti millesimi sexcentissimi sexagesimi secundi finiendo, in praedictis sisis, & gabellis, iam vt praefertur impositis, & auctis pro solutione praedictorum millionum decem & nouem, cum dimidio alterius millionis, attento quod, vt Maiestas tua asserit, hactenus actum fuerit, & de praesenti agatur de communi defensione, & interesse, tam laicorum, quam Cleri, Ecclesiarum, locorumque piorum, & personarum Ecclesiasticarum praedictorum Regnorum, quodque facultates laicorum ad summam praedictam conficiendam, ea, quae expedit celeritate infra tempus opportunum non sufficerent. Nos igitur nedum promptam, & obsequentem eorundem laicorum subditorum tuorum erga te oblationem, sed etiam Maiestatis tuae erga fidem Catholicam zelum commendantes, & ad ingentes sumptus, quibus Maiestas tua grauatur ob assidua, quae pro defensione fidei Catholicae, tuorumque Regnorum, & dominiorum iugiter in pluribus Orbis partibus, & praesertim aduersus inuasionem Anglorum hereticorum sustines bella, paternae dirigentes considerationis intuitum, motu proprio, & ex certa scientia, &

ma-



matura deliberatione nostris, deque Apostolica potestatis plenitudine praeuia etiam respectu exactorum hactenus a praedicta prima die Augusti absolutione a quibuscumque censuris, & poenis, quam tenore praesentium concedimus. Volentes, Maiestatem tuam favore prosequi gratioso, Clerum, omnesque, & singulas Ecclesias, loca pia, personaeque Ecclesiasticas, tam saeculares, quam cuiusvis ordinis, etiam exempti, etiam Societatis Iesu, & Apostolicae Sedi immediate subiecti Regulares, necnon Monasteria vtriusque sexus, Conuentus, & Collegia, ac Capitula quarumcunque Ecclesiarum Regnorum Castellae, & Legionis praefatorum, ac in eisdem Regnis commorantes, & commorantia, & respectiue consistentes, & consistentia, ad conferendum, & contribuendum pro eorum rata ad instar laicorum in dictis gabellis, seu sisis, quoad praedictam summam dumtaxat decem & nouem millionum, cum dimidio alterius millionis praedictorum monere illorum Regnorum, mediante, scilicet, solutione praedictarum gabellarum, seu sisarum in praedicta quantitate tantum, & super praedictis rerum speciebus dumtaxat in dictis Regnis colligendis, & consumendis, vt praefertur, impositarum durante sexennio dumtaxat a praedicto mense Augusti, anni millesimi sexcentissimi quinquagesimi sexti, vt praemittitur inchoato, & vt sequitur finiendo, & non vltra teneri, & obligatos esse, non tamen quoad praedictas rerum species, quas Clerus, Ecclesiae, locaque pia praedicta, & personae Ecclesiasticae praedictae ex proprijs terrenis, seu decimis, & alijs quibuscumque redditibus proprijs per se, vel alios, etiam afflictuarios suos, vel etiam ex elemosynis, siue ostiatim, siue alio quouis modo pro tempore datis, & erogatis, ac ipsis traditis, percipiunt, & pro diuino cultu, seu proprijs, vel familiarum suarum vsibus iuxta taxationem, vbi super his partes discordes fuerint, ad instantiam cuiuslibet earum, expensis tamen perperam contradicentis per Ordinarios locorum Ecclesiasticos, seu ab eis deputatos faciendam consumunt, pro quibus omnino innunes, & exempti sint, & elapso praedicto sexennio exactio respectu Ecclesiasticorum cesserit, & nullatenus quouis praetextu, vel causa continuari possit, etiam si integra summa decem & nouem millionum, cum dimidio alterius millionis huiusmodi, adhuc non fuisset exacta, quodque si ante finem sexennij praedicti summa decem & nouem millionum cum dimidio alterius millionis ducatorum huiusmodi confecta fuerit, Ecclesiastici praedicti amplius contribuere, & dictas gabellas, seu sisas, vt praefertur, solvere non debeant, sed praesens gratia expiret,

nullaque sit eo ipso. Quodque Clerus, Ecclesie, loca pia, & personae Ecclesiasticae predictae, durante predicto sexennio, non possint grauari ratione cuiusvis alterius noui augmenti predictarum gabellarum, & fisarum super eisdem, ac noue impositionis aliarum gabellarum, & fisarum, super quibuscumque rerum speciebus, nec etiam pro portionibus, iuros nuncupatis, de laicorum tantum consensu alias erectis, & impositis, eorumque fructibus, nisi si & postquam beneplacitum nostrum, seu a successoribus nostris concessum fuerit, alias in quolibet casu contrauentionis, quilibet contraueniens eo ipso, absque alia monitione, & declaratione sententiam excommunicationis maioris, reservata illius, ut infra exprimitur, absolutione, incurrat, & ad restitutionem illius, in quo excessor sit, teneatur, tenore earundem praesentium decernimus, & declaramus. Volentes etiam, quod omnes, & singuli Ecclesiastici praedicti solvere recusantes, opportunis iuris, & facti remedijs per Ordinarios locorum Ecclesiasticos tantum ad solutionem huiusmodi cogantur, non autem coram iudicibus laicis, siue exactoribus earundem gabellarum, siue fisarum, neque coram quibuscumque alijs iudicibus laicis, aut Ministris, sub poena excommunicationis maioris, & alijs poenis, a sacris Canonibus, & constitutionibus Apostolicis inflictis, & comminatis, ipso facto, sine alia monitione, & declaratione incurrendis, a quibus a nemine preterquam a Nobis, & Romano Pontifice, pro tempore existente absolvi, etiam vigore quorumcumque praeuilegiorum Apostolicorum, etiam Cruciae Sanctae, nequeant, conueniri villo modo possint, seu debeant, sed a praedictis Ordinarijs Ecclesiasticis tantum ad solutionem huiusmodi compelli valeant, quibus Ordinarijs, sub interdicti ingressus Ecclesiae, & suspensionis a diuinis, necnon omnibus, & singulis eiusdem Maiestatis tuae Officialibus, & Ministris cuiuscumque status, gradus, conditionis, dignitatis, & praeminentiae fuerint, ac alijs quibuscumque, etiam speciali nota dignis, etiam Apostolice Sedis Delegatis, & Commissarijs, etiam Cruciae praedictae, ceterisque omnibus alijs, ad quos quomodolibet spectat, & pro tempore spectabit, sub praedicta excommunicationis maioris poena, ut praefertur, eo ipso incurrenda eius absolutione itidem, ut supra, reservata, ac sub obtestatione diuini Iudicii, & interminatione maledictionis eterne districtè precipiendo, mandamus, ne Ecclesias, & loca praedicta, ac Clerum, & Ecclesiasticos, aliosque praedictos indebitè, neque ultra, preter, aut contra contententiam, & tenorem praesentium nostrarum litterarum grauent quomodo-



modolibet, nec à quocumque grauari permittant, & nedum contra quoscumque contraueniens, & quomodolibet inobseruantes ad sententiarum, & poenarum predictarum declarationem, & promulgationem respectiue, sed etiam contra eosdem Ecclesiasticos, & Regulares, etiam exemptos, Nobisque, & Sedi Apostolicæ immediate subiectos, etiam Societatis Iesu, solvere recusantes, ad quamcumque simplicem eorundem exactorum requisitionem, etiam executiue, ac quacumque appellatione remota auctoritate nostra procedant. Volumus autem, quod istud Subsidium respectu contributionis Cleri, & Ecclesiarum, locorumque piorum, personarum Ecclesiasticarum, predictorum Regnorum, scilicet decem & nouem millionum predictorum ducatorum, cum dimidio alterius millionis succedat, loco quorumcunque onerum, grauaminum, & impositionum, etiam pro Militibus, & alijs quibuscumque impositorum, ac etiam loco quorumcumque aliorum Subsidiorum, super millionibus per felicis recordationis Innocentium Papam Decimum, aliosque prædecessores nostros, hætenus approbatorum, concessorum, ita quod illorum vigore nihil amplius à Clero, nec à quoquam Ecclesiarum, locorum piorum, & Ecclesiasticorum predictorum exigi possit, quodque pecuniæ ex predictis Subsidijs, & gabellis, seu fisis, vt præfertur, à dictis Ecclesiasticis exigenda, in predictos, & non in alios vsus conuertantur, super quo eiusdem Maiestatis tuæ, eiusque Ministrorum, & Officialium quorumcumque conscientias oneramus. Decernentes presentes litteras validas, firmas, & efficaces existere, & fore, sicque, & non aliter quouis pretextu, ratione, vel causa, per quoscumque Iudices Ordinarios, & Delegatos, etiã causarum Palatii Apostolici Auditores, sublata quacumque, omnibus, & singulis cuiuscumque gradus, status, conditionis, qualitatis, præminentie, & dignitatis, etiã Ecclesiasticæ, etiã indiuidua mentione dignis quomodolibet in contrariū iudicandi, diffinendi, & interpretandi facultate, & auctoritate iudicari, interpretari, & diffiniri debere, ac irritum, & inane, si secus super his à quoquam quavis auctoritate, scienter, vel ignoranter contigerit attentari. Non obstantibus constitutionibus, & ordinationibus Apostolicis, etiam in generalibus Concilijs editis, priuilegijs quoque, indultis, & litteris Apostolicis Ecclesijs, Regnis, personis, Capitulis, Monasterijs, Conuentibus, Collegijs, & alijs predictis, sub quibuscumque tenoribus, & formis, ac cum quibuscumque etiam derogatorijs derogatorijs, alijsque efficacioribus efficacissimis, & insolitis clausulis, irritanti-

tribusque, & alijs decretis in genere, vel in specie, ac alijs in contra-  
riū premissorū quomodolibet concessis, approbatis, & innouatis. Qui-  
bus omnibus, & singulis, etiam si pro sufficienti illorum derogatione de  
illis, eorumque totis tenoribus specialis, specifica, expressa, & indiuidua,  
ac de verbo ad verbum, non autem per clausulas generales, idem im-  
portantes, mentio, seu quęvis alia expressio habenda esset, illorum te-  
nores, ac si de verbo ad verbum, nihil penitus omisso, exprimerentur,  
presentibus pro plenē, & sufficienter expressis, & insertis habentes, illis  
alias in suo robore permansuris, ad premissorum effectum specialiter,  
& expressē derogamus, cœterisque contrarijs quibuscumque. Vt au-  
tem presentes nostrę litterę, cum opus fuerit, ad omnium notitiam fa-  
cilius deuenire possint, decernimus, vt earum exemplis, etiam impres-  
sis, manu alicuius Notarij publici subscriptis, & persone in Dignitate  
Ecclesiastica constitutę sigillo munitis, eadem prorsus fides in iudicio,  
& extra adhibeatur, quę ipsis presentibus adhiberetur, si forent exhibi-  
tę, vel ostense. Datum Romę apud Sanctam Mariam Maiorem, sub  
Anulo Piscatoris, die decimaquarta Septēbris millesimo sexcētesimo  
quingagesimō octauo. Pōtificatus nostri anno quarto. G. Gualterius.